



Hans Aronsen
Inatsisartunut ilaasortaq
/MAANI

§ 37 naapertorlugu apeqqut nr 2014-141-imut akissut

Inatsisartut suleriaasianni § 37, imm. 1 naapertorlugu Kangaatsiap eqqaani tunitsive-qarneq pillugu Naalakkersuisunut apeqquteqarsimavutit. Apeqqutit uannut akisassanngorlugit innersuutigineqarsimapput.

07-07-2014

Suliap nr. 2014-101558
All. nr. 1626412

Postboks 1015
3900 Nuuk
Oqarasuaat (+299) 34 50 00
Allakkasuartaat (+299) 32 50
02

E-mail: govsec@nanoq.gl
www.naalakkersuisut.gl

Apeqqut:

1. Kangaatsiap eqqaani saarullinnik tunitsivimmik umiarsualiisoqarniarpa?
2. Tunitsivimmik umiarsualiisoqassanngippat Kangaatsiap eqqaanilu RAL-ip assartuina fabrikiniik qerisunik sukkatsisinniqarniarpa?

Akissut:

1-MUT)

Naalakkersuisut maannakkorpiaq pilersaaruteqanngillat Kangaatsiap eqqaani umiarsuarmik tunitsiviliinissamik. Kisiannili inuk ingerlatseqatigiiffilluunniit qinnuteqarpat umiarsuarmik tunitsivileerusulluni tamanna umiarsuarnik tunitsiviliisarnermi periutsit naapertorlugit suliarineqarumaarpoq.

2-MUT)

Royal Greenland attaveqarfigisimavara pineqartullu nalunaarutigaa RAL-ip nunaqarfiliartaataa umiarsuaraq assartuut ilumoortumik ikkarlinnikuusimasoq, taamaattumik piffissami ulluni 14-ini umiarsuarmik ingerlatsisinnaaneq ajornakusoorsimasoq. Tamatumani Kangaatsiaq, Niaqornaarsuk aamma Ikerasaarsuk eqqorneqarput. RAL-ip nalunaarutigaa, Anguteq Ittuup ingerlatsiunnaarallarsimanerani, Angajuk Ittuup aamma Pujattaatip angallavimmi angallassisarneq isumagilersimagaat. Piffissami nassiussat, Anguteq Ittuummumt ilaallutik ingerlanneqarsimasussat, naatsorsuutigineqarput ullunik 3-niit 8-inut kinguaattoortussatut.

Ilanngullugu Royal Greenland-imit nalunaarutigineqarpoq containerit 20 fodit marluk pi-siarineqarsimasut taakkulu Kangaatsiami qeritsitsivitsigut immikkut toqqorsivittut ator-neqassasut. Taakku inniminneerneqarsimapput Royal Greenland-illu utaqqimaarpaa pissarsiarinissaat atortuulernissaallu. Royal Greenland-imit naatsorsuutigineqarpoq suli ullut 14-iniit tullit ingerlanerini Attumi tunisisitsinerup aallartinneqaaqqissinnaanissanut ator-neqassasut maannakkulu piffissami periarfissat misissorneqartut containerinik nilla-taartitsivinnik suli marlunnik Ikerasaarsummumt pissarsisinnaanissaq, taamaasilluni tassa-ni aamma toqqorsiveqarnikkut naammassisaqarsinnaaneq annertusineqarniassammat. Aamma Ikamiuni Royal Greenland-ip tunisisoqarsinnaalernissaa qerinasuartitsiveqaler-nissaasalu periareernissaat sulissutigaa. Taamaasiornissamilu suliat naatsorsuutigisa-mit annertunerusimapput suliarli ingerlalluarpoq naatsorsuutigineqarporlu sapaatip akunnerisa 4-iniit 8-inut ingerlanerini inaarutaasumik akuersissutinik pissarsisimanissaq. Naalakkersuisut periarfissaqanngillat Kangaatsiap eqqaani suliffissuarnut umiarsuarmik-assartuineramik siursaasinnaanissaminnut aammalumi Royal Greenland-ip aallartereer-

simammagu aasaanerani killilersuinikkut ajornartorsiutimi aqqissutissarsiornissaat. Ilangullugu Royal Greenland-imit nalunaarutigineqarpoq ukiup sinneranut, immaqa qaammatini 10-ini nalinginnaasumik Kangaatsiami tunisassiassanik amigaaqartoqarnissaa.

Inussiarnersumik inuulluaqqusillunga
Med venlig hilsen

Finn Karlsen